



THE LONDON SCHOOL
OF ECONOMICS AND
POLITICAL SCIENCE ■

Zabavljanje i pomirenje

Ime istraživača: Dr. Ivor Sokolić

Department of Government
London School of Economics and Political Science

Opis istraživanja za učesnike

Hvala Vam što ste pokazali interes za učešće u istraživanju.

Ukoliko se odlučite da učestvujete u ovom istraživanju, pažljivo pročitajte opšte informacije o ciljevima i namjeni istraživanja, te o uslovima Vašeg učešća i Vašim pravima.

1. Opis istraživanja

Cilj projekta je istražiti kako zabavljanje (tj. izlazak na sastanak; upoznavanje s potencijalnim partnerom/partnericom) može utjecati na procese pomirenja nakon etničkih sukoba. Glavna metoda prikupljanja podataka su fokus grupe na Facebooku. Svaka fokus grupa se sastoji od 6-10 osoba, svi učesnici su punoljetni. Prikupljanje podataka će trajati 7 dana. Učesnici u fokus grupi će se nalaziti u istim gradovima, a svaka sesija će se održati samo jedanput u Tuzli, Mostaru, Prijedoru, Zenici, Banja Luci i Livnu.

Prije početka sesije, učesnici će biti pozvani da ispunite anketu koja sadrži pitanja s određenim ličnim podacima (npr. godina rođenja, mjesto rođenja, prebivalište, etnička pripadnost, struka, itd.). Nakon što svi učesnici pojedine fokus grupe popune anketu, dobiće obavještenje o početku diskusije. Nakon održane diskusije, po dvije osobe iz svake grupe će biti pozvane da učestvuju u dodatnom individualnom intervjuu sa istraživačem.

Tema diskusije je vezana za preferencije u zabavljanju-izlascima, odabiru i upoznavanju potencijalnih partnera u svom gradu. Odgovori učesnika će pomoći u razumijevanju načina na koji etnička pripadnost utječe na obrasce zabavljanja, te koji faktori podstiču ili obeshrabruju mlade ljude prilikom upoznavanja potencijalnih partnera/partnerica.

2. Da li moram učestvovati?

Vaše učešće u istraživanju ovisi isključivo o Vama. Ne morate učestvovati ako ne želite. Ako se ipak odlučite učestvovati, molim Vas da ispunite online anketu i prije ulaska u Facebook fokus grupu potpišete (elektronski) formular, kao pisani izraz svog pristanka.

3. Što moje učešće podrazumijeva?

Prije početka fokus grupe, bićete pozvani da popunite jednu online anketu. Trebaće Vam 5-10 minuta da je popunite. Nakon što je popunite, bićete pozvani u Facebook grupu sa ograničenim pristupom. Diskusija u toj online grupi će početi nakon što svi učesnici ispune anketu.

Istraživač će započeti raspravu u svakoj od grupa. Učesnici će onda, tokom 7 dana, nastaviti diskusiju. Učesnici mogu doprinijeti debati na bilo koji način tokom tih 7 dana. U slučaju da to bude potrebno,

istraživač će povremeno podsticati raspravu, a najčešće jedanput dnevno. Molim sve učesnike da budu što otvoreniji i što iskreniji tokom diskusije, te da slobodno dodaju fotografije ako misle da su relevantne.

Nakon 7 dana istraživač će pitati za završne komentare, te će zatvoriti i izbrisati grupu. Postoji mogućnost da će neki od učesnika, nekoliko sedmica nakon fokus grupe, biti pozvani na individualni intervju, licem u lice, sa istraživačem (pod uslovom da ste u anketi naveli da pristajete na to).

4. Kako se mogu povući ili kako mogu odustati od istraživanja?

Od istraživanja možete odustati u bilo kom trenutku, te niste dužni navesti nikakav razlog. Ne trebate objašnjavati zašto ste se predomislili. Ako su Vam bilo koja pitanja u anketi, fokus grupi ili mogućem dodatnom razgovoru neugodna, tada na njih ne trebate odgovoriti i možete napustiti fokus grupu u bilo kom trenutku i iz bilo kog razloga. Odustajanje od istraživanja neće ni na kakav način utjecati na Vas. Istraživač će zadržati podatke o Vašem učešću, osim ako ne izrazite želju da ih izbriše. Obratite pažnju na to da bi Facebook mogao zadržati informacije o fokus grupama.

5. U koje svrhe će se koristiti prikupljeni podaci?

Prikupljeni podaci će se koristiti u svrhu pisanja naučnog rada. Bitno je napomenuti da Facebook arhivira sve svoje podatke i istraživač ne može garantovati niti pouzdano znati na koji će ih oni upotrijebiti. Ako pristajete učestvovati u istraživanju i pristajete na uslove korištenja Facebooka, ujedno pristajete i na gore opisano korištenje Vaših podataka.

6. Hoće li moje učešće i moji podaci ostati tajni?

Podaci iz ovog istraživanja će ostati povjerljivi i zaštićeni. Vaše ime se neće koristiti ni u kakvom izvještaju ili u naučnom radu. Svi podaci, prepisi i sažeci biće kodirani i spremljeni odvojeno od imena učesnika ili drugih podataka o učesniku. Svi printani dokumenti vezani za istraživanje uvijek će biti čuvani u zaključanom arhivu. Samo će istraživač imati pristup podacima i dokumentima.

Opet je važno napomenuti da ne možemo garantirati ili pouzdano znati na koji način će Facebook koristiti prikupljene komentare, jer oni arhiviraju podatke na drugačiji način.

7. Šta ako imam pitanje ili žalbu?

Ukoliko imate bilo kakva pitanja vezana za istraživanje, kontaktirajte istraživača (Dr. Ivor Sokolić; i.sokolic@lse.ac.uk)

Ako ste zabrinuti zbog nečega ili imate žalbe vezane za tok ili ishod istraživanja, molim Vas da kontaktirate LSE Research Governance menadžera na research.ethics@lse.ac.uk.

Ako ste voljni učestvovati u istraživanju, molimo Vas da pristanete na narednoj stranici.